

Acta sanctorum

quotquot toto orbe coluntur, vel a catholicis scriptoribus celebrantur, quae
ex Latinis et Græcis, aliarumque gentium antiquis monumentis

Quo dies octavus et nonus continentur

Bolland, Johannes

Parisiis et Romae, 1865 [erschienen] 1866

Caput I. An Dionysii Areopagitæ reliquiae in Sandionysiano Franciae
monasterio serventur.

[urn:nbn:de:hbz:466:1-72229](#)

A. senatum possedit: ipsumque locum eminentis mausolei edificatione signavit. Sanctorum quoque corporibus digna veneratione sepultis, eorum vestimenta, tunica videlicet, cilicium et caligae Dionysii pretiosi, et casula sancti Rustici archipresbyteri atque dalmatica beati Eleutheri archidiaconi, exceptis portionibus, quae pro reliquis electorum Domini a fideliū de votione sumptae sunt, usque hodie debiti cultus reverentiae conservantur. Quorum meritis et precibus eadem venerabilis femina, in nomine sancte Trinitatis ex aqua et Spiritu sancto renata, cuncta, quae habere potuit, Domino Iesu Christo atque ipsis Martyribus tradidit, et sacras excubias apud eorum corpora, quamdiu supervixit, celebrans in bona confessione ac conversatione ad Christi et Sanctorum Martyrum gloriam, ipsis intercedentibus, migrare promeruit. Processus vero temporis multiplicata fidelium numerositate, Christiani, beati Dionysii patrocinii devotissimi, basilicam super pretiosorum Martyrum corpora magno sumptu cultaque eximio construxerunt; ubi cotidie, operante Domino nostro Iesu Christo, merita eorum virtutum probabant monstrari frequentia, interventu eorundem cœcis recipientibus visum, debilibus gressum et surdis auditum. Sed nec illud silentum est, quod a spiritibus immundis vexati, dum ad memoriorum Christi testium tumulos examinandi virtute divina ducuntur. Sanctorum ipsorum coguntur imperio, quo quisque sit Martyrum positus loco, designatis nominibus indicare. Celebrata est autem memoria eorum passio VII Idus Octobris, anno ab Incarnatione Domini XVI, a Passione autem LXIII; atatis vero beatissimi Dionysii circiter XC; imperii quoque Domitiani, crudelissimi cesaris XVI ingruente; regnante autem Domino nostro Iesu Christo, cui est honor et gloria, virtus et imperium cum Patre et Spiritu sancto ab eterno et nunc et sine fine. Ita laudatum Actorum exemplar; abs hoc autem in iis, que verbis jam datis tradit, haud nullum discrepasse exemplar quoddam, quod Hilduino præluxit, facile comperiet, qui cum hisce contulerit ea, quæ hic scriptor in contexta a se Dionysii Vita num. 35 et seq. memoriae prodidit.

B. cum Ecclesiam supra Dionysii sociorumque martyrum corpora, non ab ipsis metu, qui abs his ad fidem fuerant conversi, Christianis, sed ab aliis, qui serius vixerunt, fuisse exstructam, in Actorum, quod codex noster P. Ms. 155 exhibet, exemplari (adi, quæ ex hoc ad lit. præced. re citavi, verba) asseritur.

C. bb Quis verbis hisce aliusque nonnullis, num. precedenti contentis, locus in Metrodoriana Dionysii Passione respondeat, itemque quid de illo hujus loco seu textu, quo sese e narratione vetera firmaque antiquitate hausisse, quæ de Dionysio scribit, Metrodorus declarat, censemendum sit, Commentarius prævious num. 77 et binis seq. docet.

cc In Passione, Græce a Metrodoro adornata, Dionysii martyrium tam apud Corderium quam apud Lasselium, non septimo Idus, sed septimo Kalendas Octobris signatur; verum cum nullus unquam scriptor seu Græcus seu Latinus, septimo Kalendas Octobris seu xxv Septembri die passum esse Dionysium, notariit, in dictam Passionem seu potius in hujus, quod Lasselio præluxit, exemplar unice ex amanuensium osci-

tantia vocabulum Kalendas irrepsisse, eique proinde vocabulum Idus, quod primitus in illa a Metrodoro fuerit signatum, substituendum esse, indubilatum apparet. Quod cum ita sit, Dionysiusque adeo secundum Metrodorianam Passionem, non secus ac secundum Fulensem nostrum, e quo Acta Latina hic damus, codicem reliquaque horum penes nos extantia exemplaria Ms. septimo Idus seu nona Octobris die sit passus, id iterum, Metrodorianam Dionysii Passionem e Latinis, que edimus, Actis per interpretationem promanasse, argumento est; quod nimirum, cum Græci prorsus omnes Dionysium Areopagitan tertia Octobris die passum esse notent, verosimilime, imo indubio, hac quoque die Dionysii martyrium Metrodorus consignasset, si, quæ de illo scribit, e Græcis, non e Latinis, Dionysii ac sociorum Martyrum martyrium die nono Octobris constanter signantibus, monumentis hausisset. Haec porro aliaque, ad litt. x et v dicta, modo iis, quæ in Comment. prævio § iv de eodem illo argumendo disserui, adjunge, Græcamque Dionysii a Metrodoro adornatam Passionem e Latinis hic a nobis editis Actis per interpretationem promanasse, luculentius adhuc patescat, maxime si hec cum illa a capite ad calcem contuleris. Nec dubito, quin etiam sit futurum, ut, si scriptam Dionysii ab Hilduino Vitam incipiendo ab eo loco, quo Dionysii in Gallias missio narratur, cum præfatis Actis Latinis contuleris, scriptori illi isthæc præluxisse, fatearis. Adi etiam Commentarium præviuum num. 93 et tribus seqq. Ceterum an Dionysius sociique martyres sub Domitiano imperatore, uti hic in Actis Latinis, consentiente etiam Metrodoriana Passione, asseritur, martyrio coronati fuerint, Commentarius, illorum Actis infra præmittendus, appetiet.

AUCTOR
C. B.

APPENDIX

DE SANCTI RELIQUIIS

CAPUT I.

F

An Dionysii Areopagitæ reliquiæ in Sandionysiano Franciæ monasterio serventur.

Cum Dionysius, qui Parisii martyrum subiit, corporeque ibidem quiescere aut diu certe quievisse existimat, a Dionysio Areopagita, uti in Commentario prævio docui, sit distinctus, non quero hic, an Dionysii, qui Parisii occubuit, sed an Dionysii Areopagita, qui Athenis obiit, reliquiae Parisii, aliunde eo delatae, assertentur. Cur id faciam, in causa est scriptum, quod in Vita S. Dionysii Corinthii apud nos tom. I Aprilis pag. 744 et seq. occurrit, quodque sic habet: Anno ab Incarnatione Domini MCCXV, Innocentius sanctæ Romanae Ecclesie Papa IIII ad Urbem generale Concilium convocavit. Ad hoc concilium convenierunt ex omni natione, que sub caelo est, pastores et Prælati sanctæ Matris Ecclesiæ, Patriarchæ videlicet, archiepiscopi, pontifices

Innocentius
III Papa, Ro-
ma celebrato
concilio,

AUCTORE
C. B.

ces et abbates, et inferioris gradus et ordinis aliae personæ, quarum non erat numerus. Reges etiam et principes diversorum populorum vel per se vel per nuntios adfuerunt: vir autem venerabilis abbas B. Areopagitæ Dionysii, Henricus nomine, cum ceteris interesse non potuit, quia proiectæ etatis imbecillitas non permisit. Misit autem pro se et pro ecclesia sua virum religiosum et honestum Hemericum, magistrum priorem, cum aliis personis ejusdem ecclesiæ, qui se loco sui, prout oportunius posset, Domini Papæ presentiæ præsentarent. Soluto Concilio, concessa est singulis licentia redendi.

Sandionysianis, qui ad illud venerant, monachis

2 Dominus autem Papa, volens omnibus palam facere benevolentiam et gratiam atque pium dilectionis affectum, quem erga venerabile coenobium B. Dionysii et tunc habebat et semper habuerat, vocavit ad se præfatum Hemericum ac socios ejus, et in pignus perpetuae caritatis dedit eis thesaurum imprefiabilem, corpus vi B delicit sanctissimi Dionysii Confessoris, Corinthiorum episcopi, ut ipsum secum cum honore debito in Franciam transferret, et ex parte sua ecclesia B. Dionysii cum omni reverentia præsentarent. Tradidit illis præterea suæ largitionis testimoniales litteras, sigillo sanctæ Sedis Apostolice rotaboratas. Illi vero cum condignis gratiarum actionibus tam nobile, tam sanctum, tam denique venerandum suscipientes depositum, gratuita summi pontificis exhibilari munificentia, quam citius potuerunt, in Franciam remearunt. Qui cum accessissent ad ecclesiam B. Dionysii de Strata viii kal. Martii, prima scilicet Sabbathi, quæ dies Dominica nuncupatur, occurrit eis venerabilis abbas et conventus cum processione solenni, albis et capillis sericis induiti, ceresi accensis, pulsatis campanis, et universo clero et populo comitate: et sic cum hymnis et laudibus gloriosus Confessor et pontifex Corinthiorum Dionysius intro missus est in ecclesiam sanctissimi Areopagite Dionysii, et magna Missa de ipso Confessore in ornamenti solennibus solenniter celebrata, intra apsidam, que super corpora SS. Martyrum retro altare in Sanctis Sanctorum sita est, in vase eburneo decenter composito locatus est.

S. Dionysii corpus, additis, quo huc exhibentur, testimoniali bus litteris,

3 Sed quia modus et causa donationis hujus Apostolicæ, et venia, quæ ab eodem concessa est omnibus, qui ad sacras sancti hujus Confessoris reliquias honorandas devote accesserint, in ejusdem authenticæ plenissime continetur, ipsum in hoc loco subnectere curavimus, ut non solum a presentibus, sed etiam a posteris gesta rei veritas certior habeatur. Innocentius episcopus servus Servorum Dei, dilectis filiis abbati et conventui S. Dionysii Parisiensis salutem et Apostolicam benedictionem. Utrum gloriosus martyr et pontifex Dionysius, cuius venerabilis corpus in vestra requiescit ecclesia, sit ille censendus, qui Areopagita vocatur, ab Apostolo Paulo conversus, diverse sunt sententiae diversorum. Quidam enim fatentur, Dionysium Areopagitam in Græcia fuisse mortuum et sepultum, aliumque Dionysium extitisse, qui fidem Christi Francorum populis prædicavit: ali vero assenserunt, illum post mortem B. Pauli venisse Romanum, et a S. Clemente Papa in Galliam destinatum, aliumque fuisse, qui mortuus est in Græcia et sepultus; utrumque tamen egregium in opere, et sermone præclarum. Nos autem neu-

tri volentes prejudicare sententiae, sed vestrum D cupientes honorare monasterium, quod immo dante ad Romanam spectat ecclesiam, sacrum B. Dionysii pignus, quod bona memoria P. * tit. * al. Petru S. Marcelli presbyter Cardinalis, tunc Apostolicae Sedis legatus, de Græcia tulit in Urbem, vobis per dilectos filios Hemericum priorem et quosdam alios, nuntios monasterii vestri ad generale Concilium destinatos, devote dirigimus; ut cum utrasque reliquias habueritis, nulla de cetero remaneat dubitatio, quin sacra B. Dionysii Areopagitæ reliquia apud vestrum monasterium habeantur: vos igitur eas reverenter suscipe, hanc nobis vicissitudinem rependentes, ut in orationibus vestris spiritualis semper ad Deum commemoratio nostri fiat, et secundum oblationem eorumdem nuntiorum vestrorum anniversaria obitus nostri memoria solemniter celebretur. Omnibus autem qui ad has sacras reliquias venerandas devote convenerint, quadriginta dies de injunctis sibi pœnitentiis auctoritate Apostolica relaxamus.

4 Nulli ergo omnino hominum licet hanc paginam nostræ concessionis et remissionis infringere, vel ei ausu temerario contraire: si quis autem hoc attentare præsumperit, indignationem omnipotentis Dei et beatorum Petri et Pauli Apostolorum ejus se noverit incursum. Datum Laterani, pridie Nonas Januarii, Pontificatus nostri anno xviii. In narratione, verbis jam recitatis contenta, Pontificieque, quæ hisce subnectitur, Bullæ præmissa, Dionysius, cuius sacrum corpus Sandionysiano in Francia monasterio dedisse Innocentius III Papa refertur, pro Dionysio, Corinthiorum episcopo, habetur, in quo die sacrosanctum illud pignus in dictum monasterium fuit illatum, solemne de sancto isto episcopo sacrum a Sandionysianis monachis celebratum fuisse, tum in præfata narratione, tum etiam in abbate S. Dionysii Historia, a Michaële Felibiano anno 1706 edita, pag. 219 asseritur; verum unde vel jam suppeditate narrationis auctor, vel Sandionysiani monachi, sanctum Dionysium, cuius sacrum corpus, e Græcia Romam a Petro, Capuano scilicet, titulo S. Marcelli S. R. E. (Oldiorum in Romanorum Pontificum et S. R. E. Cardinalium Historia tom. i, col. 1162 et seq. vides) presbytero Cardinale, datum, Sandionysiano monasterio Innocentius III impetravit, non fuisse alium, quam S. Dionysium Corinthiorum episcopum, habuere perspectus? Enimvero, cum in Bulla, quam Innocentius misso a se in Franciam corpore isti sacro adjunxit, ne vel verbo cuiusnam id Dionysii esset, indicetur, Sirmonodus recitat, quæ huc potissimum faciunt, præfata Bullæ verbis, Sandionysianos in Francia monachos in sua de duobus Dionysii Dissertatione cap. 6 sub finem ita haud immerito alloquitur: Fidem hic ego vestram interrogo, cuiusnam Dionysii reliquias a Petro Capuano Romam allatas e Græcia et ad vos missas credatis ab Innocentio?

5 Corinthium dicere soletis; sic enim loquitos oportebat, ne Areopagita fatremini. At quis vobis oedipus de Corinthio renunciavit, cum Innocentius non explicet? Deinde: qui convenit, ut, delato ad vos Dionysii Corinthii corpore, Areopagitæ corpus apud vos sine dubitatione futurum dicat Innocentius, si apud vos antea non erat? Quod si Areopagite, ut apparel, corpus id erat, non Corinthii, liquet profecto, Areopagitæ reliquias Innocentii beneficio

E
importit. Id
in Franciam
allatum, per
veram pro
S. Dionysii
Corinthii.

contra ac In
nocentii bul
la, de qua
sicutur

A ficia apud vos nunc esse, Parisiorum autem, ad quos nisi mortuus non venerit, episcopum non fuisse. Sane sacra Dionysii lipsana, quæ Innocentius in Franciam misit, pro Dionysii Areopagite corpore a nonnullis habita fuisse, indubiatum appareat; Innocentius enim, postquam sese, an Dionysius, cuius reliquia in Sandionysiano monasterio asservarentur, Areopagita esset, dubitare, non obscurae in memorata Bulla indicavit, mox, Sandionysianos monachos alloquens, subiungit: Nos... vestrum cupientes monasterium honorare, sacram beati Dionysii pignus, quod bona memoria Petrus sancti Marcelli Cardinalis de Graecia tulit ad Urbem vobis devote dirigimus; ut cum utriusque reliquias habueritis, nulla de certo remaneat dubitatio, quin sacrae beati Dionysii Areopagite apud monasterium vestrum habeantur; hoc autem ejus ratiocinium, quo penes Sandionysianos monachos S. Dionysii Areopagite corpus post accepta, quæ ad eos mittebat, sacra Dionysii lipsana citra omnem dubitationem futurum, arguebat, validum esse qui queat, si hac nec Innocentius, qui, an servate in Francia Dionysii reliquia Areopagite essent dubitabat, nec ulli alii pro Dionysii Areopagite reliquias habebant?

*et de missis
abs hoc reli-
quias non-
nulla*

6 Crediderim ilaqueos, a quibus Petrus Capuanus, S. R. E. Cardinalis, anno 1209, ut Oldoinus loco supra cit. docet, e civiis sublatas, sacra illa pignora in Graecia accepserat. Dionysii Areopagite reliquias isthac credidisse, adductisque, quibus hac in re fidem suam probatam darent, documentis effecisse, ut saltem et Petrus Capuanus et Innocentius tertius, num vera memorant, dubitariunt hinc etiam, vel quas in Franciam misit, vel quas ibidem antea fuisse asservatas, sciebat, genuinas esse Dionysii Areopagite reliquias, crediderit. Ac sacra quidem Dionysii lipsana, quæ Petrus Capuanus Romanam et Graeciam attulit, non tantum pro Dionysii Areopagite reliquiis nonnullis habita fuere; sed re etiam vera Dionysii Areopagite reliquias fuisse, sat verosimile appareat. Ea sedel sententia, quod cum Dionysius, qui Parisii martyrium subiit, a Dionysio Areopagita indubie, ut jam docui, sit diversus, nec alterius Dionysii, quam qui Parisii pro fide occubuerit, C corpus Sandionysiani monachi usque ad Innocentii Papæ tertii atatem possederint, reliquia, e Graecia a Petro Capuano Romanam allata, Dionysii Areopagita, uti Graci, a quibus illas accepit, asseverabant, verosimiliter fuerint. Res quidem, quod alias adhuc Sanctos, quibus Dionysii nomen fuit, Ecclesia veneretur, certa non est; verum, cum equidem nullus aliis locus corporis Dionysii Areopagita (neque enim hic, quod id dumtaxat, si Dionysius Parisiensis ab Areopagita diversus non sit, facit, monasterium S. Emmeramni memorandum venit) possessionem sibi adscribat, sacra sane Dionysii lipsana, quæ e Graecia Petrus Capuanus Romanam attulit, pro Dionysii Areopagite reliquiis esse habenda, sat verosimile videtur.

7 Nec est. quod quis forsitan Graecum Dionysii Areopagite elegium, in Commentario, Actis jam datis prævio, num. 199 et seq., recitatum, in quo Dionysius flammis totus fuisse consumptus assertur, hic obiectat; præterquam enim quod fieri possit, ut, etiamst Dionysius flammarum incendio interiisset, ossa ejus omnia igne haud fuerint absumpta, haud integrum elegium illud, imo nec prior illius pars, in qua id assertur, fidem meretur, quod quæpiam etiam alia,

haud certo vera, suppeditet, ut consideranti patescet. At vero erit fortassis, qui non tantum verosimiliter, sed et certo reliquias, quas, e Graecia Romam a Petro Capuano allatas Innocentius III in Franciam misit Dionysii Areopagite corpus fuisse, contendens, ita modo arguat: Innocentius tertius penes Sandionysianos monachos, delatis ad eos, quasmittebat, reliquiis, certo esse S. Dionysii Areopagite reliquias futuras, in sua ad illos Bulla indicavit; id autem, nisi re ipsa vel asservatas in monasterio Sandionysiano Dionysii reliquias, vel alias, quas, e Graecia allatas, eo mittet, certo esse Dionysii Areopagite reliquias, existimarit, salva veritate, facere non potuit. Quod cum ita sit, reliquiaque, quas in monasterio Sandionysiano asservari, Innocentius dicebat, Dionysii Areopagite certo non essent, oportet, ut vel perperam id, quod dixi, Sandionysianis monachis Innocentius indicaret, vel ut reliquia, e Graecia Romam allata, quas in Franciam misit, Dionysii Areopagite certo exstiterint. Tillemontius tom. 2 Monumentorum ecclesiasticorum pag. 674 nullo in pretio habere videatur Innocentius ratiocinium, quod nec reliquia, a Petro Capuano Romam allata, nec alia, in monasterio Sandionysiano asservata, certo essent S. Dionysii Areopagite reliquia.

8 Verum quidquid hac de re sit, cum equidem in Innocentii bulla nihil omnino occurat, e quo, quas in Franciam misit, reliquias pro sacris Dionysii Corinthii lipsanis habitas abs illo fuisse, extundas perperam sane eas pro sancti hujus antistititis corpore Sandionysiani monachi habuerunt, nisi forte ad id rationibus solidis, aliunde quam e Bulla Innocentii petitio mihiique ignotis, fuerint impulsi; rationes interim tales cum nondum attulerint, missas ad se ab Innocentio III Papa Dionysii reliquias pro Dionysii Corinthii reliquiis eo dumtaxat consilio habuisse videntur, ne ab opinione, qua et Sanctum hunc prope Parisios martyrio fuisse coronatum et ejusdem reliquias penes sese asservari, praefracte contendebant, recedere cogerentur. Dionysii interim reliquias, ab Innocentio III in Franciam missas, sacra inter cimelia in capsula vetustiori, laminis argenteis circumvestita, sub hujus adhuc seculi initium Sandionysiani monachi, tum pariter adhuc bullæ, sacris illis pignoribus ab Innocentio adjunctæ, F archetypum in monasterii sui archivio servantes, religiose custodient, ac quotannis, quod, eas pro Dionysii Corinthii reliquiis hodieque per illos haberi, argumento est, octavo Aprilis die, quo Sancti hujus festum celebrabant, publicæ venerationi expone solebant, uti e Parisiensi Breviario simulque e Sandionysiana Felibiani Historia, tum excusis supraque adhuc laudatis, intelligo.

*corpo fuit
habitu, at-
que hodie ad-
huc habetur.*